

Boko 152 nan - songo d. 21
1998 SAN - ZUWENKALO

Jekabaara




Cikela ceman n'a musoman kunnafoniseben

a be bo kalo o kalo


Jamana baarada la BP. 2043 Bamako (Mali)

BAARA BEE N'A KEBAGA. KEGUYAGANSANTE KODILAN

NE 4



Kunnafonisəben



**Kulu Dunbiya
Korokoro zayerikuntigi fōlo**

Nin yekunnafonisəben ye, min bora korokoro jayeri tōndenw yoro.

Korokoro kera duguyiriwatōn ye 1986 san. O ni sisan ce ye san 11 ye (bataki sebenna 1997 san). K'a ta o waati la fo ka se bi ma, baara caman kera dugu kono. "Awe" ye magasa kelen jo ; ka kalanso kelen jo ; ka jōsimasin kelen san musow ka lafiya kama. "Awe" ye Iakoliso saba jo, kalanso 6 jatekama (dubuluwakason). "Awe" ye pōnpekōlōn duuru sen. "Eduwari Mali" y'an dēmē ka 3 jo, "Sefi" y'an dēmē ka 2 sen.

San 1996 banki mōnjali nēmōgōba, n'o ye Jamusi Walifensōnni ye, o ni CMDT jera ka jigginniso kelen jo an ye. O musaka benna sefawari miliyon 25 ma. Nin fēn fōlen bēs sōrōla tōndenw ka cēsiri de fe. Linan san (1997) kalo 6 nan Korokoro kera zayerikuntigida ye. A zayerikuntigi kera an balimake Kulu Dunbiya ye. Oye zayerikuntigya baara damine kabi san 10 bi.

Anw bē nōgōnye ke sīne 3 kalo

kono : kalo tile 5 ; kalo tile 15 ani kalo tile 25.

Zayerikokera anw bolonisondiyako dan bēs ye bi. An ye tōnkulu do sigi zayeri kono, min bē se k'an ka baara nōgōya an bolo. O tōnba o peresidan kera Bafin jara ye, ka bō Korokoro fōlo Awla. Peresidan dankankera Mamime Jara ye, ka bō Ntari fōlo "Awe" la. Tōn sebenjenabola kera Mamuru Kulibali ye, ka bō Moribabugu "Awe" la. Sebenjenabola dankan kera Sumela Tangara ye, ka bō Dangakoro "Awe" la. Tōn fōkabenna kera Madu Sangare ye, ka bō Bariturebugu "Aw" la. Fōkabenna dankankera Cewulen Jara ye, ka bō Korokoro filanan "Awe" la. Tōn warimarala kera Yusu Kulibali ye, ka bō Suguba "Awe" la. Warimarala dankan kera Bakoroba Trawela ye, ka bō Koyani "Awe" la. Tōn jatebola ye Salifu Bayoko ye, ka bō Kokun "Awe" la. Jatebola dankanye Bakari Dunbiya ye, ka bō Wōdugu "Awe" la. Tōn kunnafonidila ye Tumani Kulibali ye, ka bō Dangodo "Awe" la. Kunnafonidila dankan ye Gawusu Kulibali ye, ka bō Ntari fōlo "Awe" la. Tōn kolabenna kera Wuye Jaloye, ka bō korokoro fōlo "Awe" la.

Tōn mōgo tōw ye :

- Lasine Jara, ka bō korokoro filanan "Awe" la ;
 - Dawuda Trawele, ka bō kōjana "Awe" la.
- An bē jekabaara kalanbagaw n'a lafasabagaw bēs fo.

**Mamuru Kulibali
ka bō Moribugu - Korokoro
kafoyiriwatōn - Fana mara la**


Sébenjekulukuntigi ka kalo hakilijagabo

Ni se tun bē ne ye...

Ni se tun bē ne ye, ne tun bē Mali jamana ke kōnōnagaba ye, dugaw ni tubanninw ani tentan ni jefereleñniñ tun bē nōgōn sōrō balimaya la yoro min, ka sēgew ni bonw masala. Nka, se te ne ye, o de kanma n wajibiyalen don ka Mali laje badenkélé in kuntılenna kan. Mali ye jamanaba ye nōgōnfaamu te se, ka bali min kono, fo ni hasidiya kēr'o sababu ye. Awa, ka bi lawale la, hasidi dun kera kōlonjugu jiri de ye min karila a yēre kono ! jama ko min, e kēlen k'oté, jama de b'i nangi kēne kan de.

KALO LADILIKAN

Djē kono bēs b'i yēre ye. Nka kotoñogontala de bē karatabugu mēn si la. An bēs k'a dōn ko furabulu bē bin ji la don min, k'a te toli o dōn. An ka politikiko kelen bē ko sidōnbali y'an bolo ka da mōgō nāniyajuguw ka kewalewkan. Bēs b'a dōn ko jemufanga bē sinsin don o don de ka t'a fe. Yōrōn kelen ko bēs labenfēntē. A ka kan bi, fanga ni fangasinamatōn bēs k'a dōn ko jamana de b'olu bēs ni san ce. U ka bēn ko la, walasa jamana bē taa ne.



Tumani Yalam Sidibe


Politikiko taabolo

Mara bērebēre tigilamōgōw ye mēriw de ye, ka d'a kan olu de ni jamanadenw bē nōgōnfe su ni tile. Jamanakuntigya ye togoko ye, depiteya ye jamana sariya sēgesēgēliko ye. Peresidan ni depitaw bēs yoro ka jan jamanadenw la, ka da u jōyōrōbonyacogo n'u yērekun lakanacogo kan. Mēriw n'u kōrsigiw dun de bē jamanadenw ce ro sanga ni waati bēs duguw ni kinw ka nētaasira bōlì nēnini kanma. Hali ni sariya bōra sānfē, olu de b'a lawaleya duguma, hali ni baara kētaw bolodara sānfē, olu de b'a lawaleya duguma. Jōn de dun bē sōn k'i yēre ke kērēfēmōgō ye o mēriko la ?

Tumani Yalam Sidibe

Ji lankolon te kumu

Ne togo ye ko Berema Buli Sidibe. Ne ye Goro ka ye, nka n meena suransan Tomo surukaya la. Ne ye balikukan damine san 1976, sirakoro, Operason arasidi (OACV) ka waati la. K'a t'a o waati la fo sisan ne ma fen bila balikukan ne. Barisa kalan doren de be se ka adamaden ka maaya sankorota. Ne yere si rorobayara doonin sisan, ka masoro n be san 45 de la ninan. Operason arasidi y'a seko ke kitakaw ye. Nka, jonnin dan y'a seko ye. An bee b'a don ko Kita izini folo ju bora operason arasidi de la, n'o ye "Sepama" ye. Nka, Ala y'a ke o ma ke fen sima ye. Fen min ye balikukan siratige ye, o foli n'a walejumandon ka kan ka lase Dramani Kulibali ma, ale tun ye nemaaba ye Bamako ; ani Basiru Samake (Ala ma hinena a la, ka masoro ale faatura kabi san 1977), aletunye nemaaba korsigye Bamako ; ani Yaya Mamadu Jara (Yayaba), ale tun ye Kita zoni balikukan karamogoba ye. Nin ce saba y'u seko danmajira bee ke balikukan ka sankorota soroli la, Kita ani operason arasidi zoni tow bee kono (Kayi ; Kolokani ; Mahina ; Segu). O waati la,




Kitakaw nisondiyara CMDT ka conkoli la u bara.

tiga tun ye maninka taamaseere ye. Awa a ka dijenatige tun semennen don tigasene de kan. Tiga tun ye na ye ; tiga tun ye balo ye ; tiga tun ye nafolo fana ye. Fosi nema tun te ke tiga togo ko maninkaduguw kono. O tiga nafaba were tun be yen, min te na mogow hakili la ka caya, n'ale de dun tun be tiga nafa bee sanfe (ne bolo). O ye adamadenw ka donjogonna ye surukaya taabolo la. Duguden joli-joli

ye furu ni kanu ani balimaya sorodugu werew kono surukaya kadara kono ? Teriya sabatilen caman jujon bora surukaya kono, minnu be senna hali bi, awa n'u be to senna fo waati jan. Kumadonsow ka kuma ye tine ye. Jiri ju bora cogo o cogo, k'a gungurun bo, a no be to hakilimaya kono.

Bi, operason arasidi binna. CMDT nana Kita. O ye taareko ye. An ye CMDT n'a ka baarafanga ye. An y'a n'a ka izini ye. O diyara an ye. An be min jini an badenké Dirisa Keyita n'a ka cedenw fe, o de ye a ka Kita lase netaa jiri san lekeleke la, operason arasidi y'a to jiri min senkor. Djene ye fognognoyoro ye. Djene ye nognon-kawale-tolaseyoro ye. Maa kelen si te se ka dijen lase a ka here sanbaju la.

CMDT ni koori donna Kita. Kitakaw y'a kunben ni sewa tegerekanye. Nka, CMDT ko k'ale ka baara dan tenu ke koorinafolo danma ladonni ye Kitakaw kun. A ko a b'a jini ka dunkafa fana lasabati anbara yan, ni deme donni ye sumansene ma. Ako a hakili be musow fana na. Barisa netaa o netaa mana ke musow ko, o te bo kari la ka ntene sor. I n'a fo an b'a ye Jekabaara boko



Dirisa Keyita n'a ka cedenw be Kitakaw ka netaa jigi kono.


caman kōnō cogo min : muso de ye
dijne hēre bēe baju ye.

CMDT ye dugukolonon fana k'a
kuntilenna kologirin dō ye. Nin ko
fōlenw n'u nōgonna caman wēre de ye
CMDT ni operason arasidi bō nōgon
ma. U bēe ka haminan ye cikelaw ka
bōnōgolakoyenafoloko siratigē la. Nka,
o waleya lasorōsira y'u bō nōgon ma.
CMDT y'a dōn ko adamaden tē se ka
yiriwa bolo kelen kan. A ka yiriwa bē
tali ke a kunkanko bēe de kan. CMDT
nakan diyara. Awa, ka d'a ka san 3 fōlo
baara kelenw kan, anw Kitakaw bē se
ka nētaa sabatilen bisigi da an hakili
la.

Burama Buli Sidibe
Ka bō Suransan Tomo (Kita)

Poyi ka nēsin CMDT ma

CMDT ntura kelen sinsanfa
Dirisa Keyita ka foroba
Min ye faso nafa



Ka badenw fa
Ka jigiw yeelen jēnsen.
CMDT i nakan ka di
CMDT i baarakəbolo barikalen bē
CMDT, i ni jigisigiwale
Taajē i ka teme i nēmaa danyōrō kan
N'o kera anw bē bō nōgo la
Awa e bē tōgo duman sōrō !

Burama Buli Sidibe
Ka bō Suransan Tomo (Kita)

Bataki ka bō Lasana Kōne

Batakika se Jekabaara kalanbagaw
ma.

Ninan y'a san 3 ye, ne ta tun ye
Jekabaara kunnafonisēben kalanni
danma ye. Nka, nin y'a sijē fōloyen ka
farinya ka bataki sēben k'a ci, ka n fēla
fo. Ne ka bataki bē tali ke gantara AW
sēbenjēnabola Burama Kōne n'a terike
Burama ka lētēre kōnōkuma de kan,
an'a jaabi, minnu bōra Jekabaara ka
1997 nowanburukalo bōko nē 11 na.

N badenkē y'a terike ka kōrisēne
musakaw jateminekatimu jira
senekelaw la, ani Jekabaara
kanubagawbēla. Nka, neka faamuya
la, Tumani Yalam Sidibe ka jaabi b'a
jira ko jate in bōcogo ma nē. O de
kosōn, ne b'a nini Sidibekē fe a k'an
biāsira. Ak'an ladōnniya jate in bōcogo
numan na. Barisa, ne yēre tun bē
laben na ka Kōneke ta nōgon ke. N b'a
fe k'a dōn, o baara kēcogo la, kōri tari
kelen sēne musaka ye joli ye tigitigi.
Kōneke nana kōrisēne na a mankutu
n'a nafa bonya de kosōn. Walasa a ka
kōri sōrōlakika dōn, f'a k'a ka musaka
kelen bērēberē de dōn dē. O de kanma
a y'a ka baara bē ke sara la. Nka, ni
Tumani ko k'o kera jate gansan de ye,
ne b'a nini ale yēre fe a k'a jatemine
sēbēma yēre ke k'o ke bataki in jaabi
ye, Jekabaara bōko nata kōnō, walasa
ne ni senekelaw bē k'a nafa dōn ani
k'a sōrō, sabu senekelaw makoba de
bē nin jate in jaabi jōnjōn na bi. Farajē
dōw y'an nininkā tōnsigi dō senfe ko
yalikōrisēne tile kelen musaka ye joli
ye an bara yan. I k'a dōn, nininkali in
jaabibali tora dē ! Nka CMDT mōgōw ni
an yēre senekelaw bē tun bē kēne in
kan. Walasa ne kana to nin nōgonna
nininkali jaabibali ye kēne wēre kan,
ne fana tun b'a fe ka Burama Kōne ka
jate in nōgon de ke.

O tuma na, karamōgo Tumani
Yalam Sidibe, n b'a nini eni Jekabaara
sēbenjēkulu mōgō tōw bē fe, aw ka n
dēmen nin jatemine in kēcogo numan

na.

N ka foli bē Jekabaara nēmōgo, n'a
sēbenbagaw bē an'a lafasabagaw
bē ma. N bē Jekabaara kanubagaw
bē fo.

Ala ka si jan ani kēneya ni lafiya
d'an bē lajelen ma.

Lasana Kōne
Jaakorola AW sēbenjēnabola
Kilela kafo - Sikaso mara la

Jaabi

Nteri Lasana Kōne, e ka bataki in ye
ne ni Jekabaara sēbenjēkulu mōgō tō
bēenisōndiya k'annilasaha. Ika bataki
b'a jira k'i ye Jekabaara kalanbag
nana ye. Sēbenkalanna bē tē se k'i ta
nōgon ke. I ye misali ta Burama Kōne
terike Burama Kōne ka foro musakako
min kan, n'o bōra Jekabaara ka 1997
san nowanburukalo bōko kōnō, o tē ko
faamuyako gelēn ye. I ko i ma
faamuyaliba ke n ka jaabi dilen kan
Burama Kōne ma o bōko kelen kōnō. N
y'a jira ko sēne ko bē keli sarabaara
la, ko cikela ka nafa t'o la, janko min
tōgo ye ko kōrisēne. Burama Kōne
terike sigilen bē Bamako de. A y'a ka
forobaara bē de ke sara la. N'idun ye
jatemine ke, i b'a ye ko adamaden
yēre ka wōcsiji bōli b'a ka sōrō yiriwa
baara bē de la. Min tē taa sara ko (i
n'a fo kōribō n'a nōgonna), o ka ke
sara la. Nka, forotigi yēre ka sōrō a ka
foro kōnō, k'a wōcsiji bō a jufakōnwari
nōna, o nōgon te.

Fen min y'a ka nininkali jaabibali ye
nōgonjēkēne kan, nin yōrō in na, n tē
se ka fen fo i ye o la. Sanni zuluyekalo
bōko ce, n ni n jēnōgonw bē nējini k'o
la baara nēdōnbagaw dafé walasa ka
jaabijōnjōndieni Jekabaara kalanbag
tōw bē ma, aw bē bē nafa sōrō min
na, anianw yēre bē, ka masōrō "basa
bē min se fe".

Tumani Yalam Sidibe

Zuluyekalo baaraw

Ni dannifénw basigira dörön, cikela ka kan k'u ladonbaaraw daminé ani ka sénéfén wulilenw lakana ka bötjenifénw ka maasiba ma. San baaraboloda ka kan ka tali ke cikela ka seko kéné na körösenne ani bokaturu siratge la. Kénéw ka kan ka körösenniko fila keko numan soro (o ka k'a hake dögoyalen ye). Olufana ka k'u waatibérebére la. Ni körisun kundama ye santimetere 10 soro dörön, körösenniko fölo ka ke. A ka kan ka ke teliya la, walasa k'a to körisunw kundama ka binw kuntumu. Körösenniko filanan be ke, ni tijenifénw seginna ka ye (binjuguw). A ka c'a la, o be ben danni kofé tile 30 fo tile 45 ma.

Ire donni :

Ni kosafédanni te, ire be ke köriforo la, körisun wulili tile 30. K'a daminé zuluyekalo tile 10 na, ire ni körinogó ka kan ka don foro la nögönfe. Ire man kan ka don foro la zuluyekalo tile 30 kofé.

Fen min ye sumanforo ye, ire be ke forola ni nösunwyé kögöli daminé dönnin. N'a duny'a soro kosafédanni don, ire be ke foro la danni waati. I n'a fo juwulinogó tòw bëe, ire be don dugu la k'a datugu, walasa k'a rotjeni bali.

Furakeliw

Furakeli be ke de walasa ka tijenifén nenanmaninw ka kasaara bali köriforo ma. O min be se ka na ni soro hake nagasili ye, ani körö kalite tijeni ye. Afriki tilebinyanfan jamanaw kono, tijenifén lakodönnen hake be taa fo 480 na. Furakeli be daminé kabinifeere fölöw boli. Segin be k'a kan tile 14 o tile 14. O be to



N'i bëe wulituma y'i ka sogomada ye, wulituma kelen de kóni be sénékelaw bëe la sen na fo ka se sanji tigeli ma. O kun ye ka körö ka denta sabati. Waati döwla, a kanunendon furakeli ka daminé ka kón feerew boli ne, n'a kolsira ko tijenifénw barika ka bon foro kono, min be se ka ke maasiba ye körisunw ma.

Mun kanunen don ?

Zuwéñkalo ni zuluyekalo, ani utikalo ye jirituru waati béréberew ye (dugu jiriforow n'u nögönna).

- Samijé fë, a ka kan janto ka ke baganw fana furakeli la, walasa k'u kisi npéréw tööro ma.

- Ladilikanw ka matarafa : ka danni k'a kécogola ; ka binfagalaw k'u waati la ; ka tolinogó k'a waati n'a kécogo la ; ka forodanbojiriw sene (baganinw...) ; dugumogow ka kalansenw ka boloda ani k'a waleya.

CMDT cincébolofara

1998 san - Zuwenikalo

Amadubugu ye dugu barikamaba ye



Amadubugu ye duguyiriwatoñ ye. Senekeduguba don. Ben ani kelenya de be Amadu ka bugu la. Koɔri ni malo ani kaba ni senekefen to bœe be sene Amadubugu. Wa kotonogontala de be Amadu ka bugu la. Kotonogontala de be dugu diya a koɔnsigibagaw bolo. Ceekɔrɔba bonya, o be dugu diya a sigibagaw bolo. Nemɔgɔnuman, o be dugu diya a sigibagaw bolo. Musokɔrɔba bonya, o fana be dugu diya. Nka, dugu te diya dugutigi ko cogo si la de. Bawo ni ba y'a yere bila bolo min kan, sɔmɔnɔw b'a mɔn o bolo

**A' ye
Jekabaara
san, k'a
kalan ani k'a
lajesen, n'o
kera, aw b'a
jeniyɔro fin
fasokanw ka
bonogolali la**

kelen de kan. Ni dugutigi y'i jo a joyɔro la dugu kɔnɔ, dugudenw be to a ko haali. Ni dugudenw y'u jo u joyɔro la fana, dugutigi tɔna bɔ u kɔkɔrɔ. A n'u minɛ ka ne Tɔɔrɔ fan si te Amadu n'a ka dugudenw ce. Baara ani nɔgɔnɔny, adamaden ka nafab'olu de la. Olu dun sabatira Amadu ka dugu kɔnɔ. Ala k'an sɔn sabali la Mohamadu barika kama.

Sala Sidibe
Ka bɔ Genso, Yanfoyila,
Sikaso mara la

**Zuwenkalo tile 21
merisugandi-
kalafiliw kera
here ni hakilisigi
kɔnɔ. A tɔ y'u
lakali ye. Aw b'o
sɔrɔ boko nataw
kɔnɔ.**

Jekabaara be kalan Faransi !

Ka bɔ Faransi jamana kɔnɔ, ka se n balima Jekabaara mɔgɔw ma. N be n ka kibaruya di aw ma. Tɔɔrɔ si te n na. N be Ala deli n ka ltere ka aw lasɔrɔ here ni badien kɔnɔ. Ne ye Jekabaara kanubaga de ye. Nka, nt'a dɔn n be se k'a lasɔrɔ cogo min. Ne b'a fe ka Jekabaara sɔrɔ kalo o kalo. N b'a fe, ni sɔrɔcogo be a la, awk'o fɔn jena. Ni sɔrɔcogo dun yere t'a la fana, awk'o fɔn jena. N b'a fe aw ka n jaabi teliya la, n ka bataki sɔrɔlen kɔ aw fe.

N ka aderesi file nin ye :

**Masire Jara
61 - Sarɔnni bolon 75011
Pari (Faransi) siso nimɔrɔ 103**

Jaabi

Masire Jara, ika bataki sɔrɔla an fe. Adiyara an ye haali. An b'a nini ife ika to ka bataki ci an ma k'i ka kibaruya fo an ye, anika Faransi kunnafoniw fo an ye, o be diya an ye kosebe.

Fen min ye Jekabaara sɔrɔli ye kalo o kalo, o be ben sefawari dɔɔrɔme ?????????? de ma (Faransi wari dɔɔrɔme ?????????). O be ben san kelen Jekabaara boko bœe ma. (Boko 12). I be o bakuruba ninisèben n'a waricinin aderesi la :

*Jamana baarada (jagoko bolofara)
BP 2043 - Bamako (Mali jamana)*

An hakili la i be faamuya sɔrɔ an ka jaabi in na. Ika ke anwjeñogɔn ye, o de ka di anw ye. I y'a nini an fe an k'i bilasira sebenni kecogo la. An be min fo i ye o la, o de ye ko timinandiya de nɔgɔn te. Ka sebenni ke waati bœe bamanankan na, ani ka bamanankan gafew n'a kunnafonisebenw kalan. Yere kalan de be balikukalan sinsin.

*K'an ben boko were Jarake !
Jekabaara sebennekulu*

U ko...

Maa b'i pan ko kunna walasa i be maaya ke. Diñe kono, bee n'i taabolo don. Bee n'i sonko an'i banko don fana. Nintekenna, nintek fo n ma, i k'a don i te maaya diyabo de.

Seyidu Trawele
Arajo Jekafu Iajagala do:

Fen kelen min ye Malidenw to kofe bi, oy'ubanbanniy'uka maakorow ka kewalew n'u togo kan, ka soro olu yere te fosi ke. Babenba y'a ke tan de, Samori ye a nonkon da tubabuw ne nin sanhake kono de, Modibo tun be tan de. A donna tan de; a bora tan de ... aw yere dun ye mun ke ?

Njolo Bengali Fonba
Ka bo Sobugula - Kolokani

Sanperen ni duguperen, nin bee ye fen girin perenda ye. An ni dugukolodelila, odeb'anja farinya o ta koro.

Benke Sisoko
Ka bo Mahina (Kati)

Tulon te diñe kono. Niko mintijena mogobolo, o de be ke tulon ye. An ka baara, barisa baara doren de be adamaden nunanfan. Faantan ni faama ka teriya koro ye ko : cidumannin. Fen were te faama ni faantan ce, cidennumanya ko.

Dawuda Danbele
Maanabola, ka bo Denso (San)

Yarangabugu dugu

Kolokani n'a laminiduguw bee ye Gonsiraba Kane komen. Surukuyelema tun don min tun be dugu wolonwula, fo dugu tan ni wolonwula, don a senkor su kelen kono, walifen nofe (saga ; ba, ...) k'a ta Kolokani, ka se Sirakorola, fo Bananba, jijeni...

Ninduguw bee tun be sini Gonsiraba Kane togo ye ani ka tile n'a ye. Gonsiraba Kane tun ye bamanan kankelentigi ye, min siyoro n'a tileyoro tun ye Yarangabugu dugu kaburukene ye. Atunt'a tuabada k'anon. Gonsiraba Kane tun ye bamanan dankelen ye, min tun b'a yere mako ne ani k'a siginogonw mako ne. Gonsiraba Kane, min ye Benne Kane ani Denba Kane ni den wrew fa ye, ale tun be bo Yarangabugu dugu de kono. O de kanma, nin yoro in na, an y'a kanu ka kuma Yarangabugu dugu yere kan, barisa dugu dawulama don Kolokani kubeda kono, a ka kan mogo ka min sigiyoro don.

Yarangabugu ye dugu ye, duguba. A sigilen be ka gun Kolokani ni Tumanibugucesirabala. Ani Kolokani ce yebametere 25 ye. N'ibora Kolokani, i be se Kulukoronin, ka bo yen ka se Seriwala, i be bo yen ka se Korola. Kobil kelen de be Korola ni Yarangabugu ce. Yarangabugu dugu yere tengulen don Maabugu ni Cafayina na. Kuluba do b'a kofe, surukuw mankan be men min koro su caman.

Yarangabugu dugu n'a bonya o

bonya, gaba kelen de don. Kanew don. Bamanandugu in siginogonw ye filawerenninw ye. Seneko ta siratige la, Yarangabukaw be jo ni kaba ani tiga sene haali.

Yarangabugu cemisenw ma to ko waati si netaa siratige la. Awa farikolojenaje be k'u fe haali.

An be don min na i ko bi, a ka kan Yarangabukaw ka wuli k'u jo, k'u banban netaa lawaleyali kan, min b'a to u tona to ko desantaralizasenko la. Balikukan donna Yarangabugu kabini 1977 san waatiw la. A balikukanlaramogo fobo kera Nama Sangareye ; ka Tumani Yalam Sidibe fo o ko ; ka Mahamani Mayiga fo o ko ani mogo wrew. Nin maa kofolen kelen-kelen bee y'u joyoro fa balikukan layiriwaliko la Yarangabugu n'a maraduguw kono balikukanlano siratige la. (Hali ni Tumani Yalam Sidibe y'a nini waati do ka zafu nemaayada bo Yarangabugu ka ta cooko Namabugu). !

Fen min ye cikelakolidenwta fanfela ye, o caman sigira an bara. Nka, hakilito ka kan ka ke Seku Trawele la, o min faatura a ka baara kadara kono 1979 san waatiw la. Ala ka hine a la.

An be Ala deli a ka Mali demokarasiko taa ne, ka fadenya bo politikimogow ni nogon ce, ka badenya k'u semebere ye. An bee ka here b'o de la.

Cemaaba Kane
Yarangabukka, n'a sigilen be Segu



JEKABAARA

Bamananya tε kolankolon ye

FURABOLAW TE NGOGO JUGU YE

An bε don min na i ko bi, kun t'a la fadenya ka to farafinfurabolaw ce. Anw de bε fa la, an bε ba la. Jamana ni jamanadenw ka hεrε b'anw de ka bεn na. A man kan fana an ka nkalontigε k'a fo k'an bε se ka bana furakε, an tε se ka min furakε. Maa kera cogo o cogo, tijεfo de b'i nafa. Maa kelen si tε yen, k'e bε se ka bana bεe furakε.

N'o bora yen, n bε n kan bila jamanadenw yεre ma. Jogow yεlemana, o de y'an ka maaya caman roncgo. N'a fora ko ko min ma ni, a man kan mogo k'o k'i ka kεko ye. O fana tεmennen kε, an k'a don ko Ala mako bε kuma fila de la an da an mako sεbe bεe damine na. Olu ye Similayi walima Bisimilayi ye. N'an b'an ka ko sεbe fεn o fεn damine, an k'a damine ni nin kuma dō rō kelen ye. N'o kera an ka baara nafantan tε tεmennen caya.

Burama Bagayoko
farafinfurabola ka bε Kalaban kεrε

Bamako

NUNJIMIBANA TE BANA FURANTAN YE

Bana dō bε dijε kono min bε adamaden danbe tijε haali. Dōw ko a ma ko paribana, dōw k'a ma ko polonpolon, dōw yεre ko ko nunjimibana.

Bana in jujɔn bε da de kono. A ka nimini bε damine nun kono na de la ka sɔrɔ ka bε kεnεma. N'a bora kεnεma, oy'a kelen ye bana kele gelεn ye. A bε dawolo nimi, ka don nun na. Banabaatɔ laban bε kε waati bεe finikolontigiya ye. Ale nun sirilen bε sanga ni waati bεe. Bana in sɔrɔcogo ka ca. Dōw ka fε la, sonni tige tε murumuru mana ta fine fε ka s'i nun kono, o bε bana in bila mogo la. N'i sentεgε dara wulu nunjito nunji bɔnnen kan duguma, ofana

b'a bila i la. Awa, dabali fana b'a bila i la.

Bana in furakεyεrε jɔnjɔn ye dɔgɔtɔrɔso ye. Nk'a bε furakε ni jiri ye fana min bε wele ko "dadaba". O dabada diili tilenkelenja mugu bε to ka kε banabagato ka monni n'a ka minfεn tɔw la, an'a ka dumuni. N'a dumer'o kan, a ka c'a la, bana in bε ban. Hali ni bana in tε mogo min na fɔlɔ, n'o tigi ye dabada tilekelenja mugu k'a taalan ye, a ka c'a la bana in t'a sɔrɔ.

Solomani Jakitekε
Jamana baarada -
(Bamako)

Aw fana...

Aw fana, aw minnu bε makοjεfuraw dɔnw, a ye bataki ci an ma, nin kεnε in kanma. N'o kera, mogo wεrew bε bε aw fana nunma, i n'a fε aw fana bε ka bε an ka furatigi ninnu nunma cogo min na. Maa kelen ka fεn dɔnnen tε jama nafa, barisa n'a tigi ntanyara don o don, a ka dɔnta fana bε ntanya o don.

Bana ka ca cogo min, u furaw fana ka ca o cogo kelen na. Nka, bεe dan y'i ka dɔnta ye. I n'a fε Ndayi Baba Jalo y'a fε cogo min, maa kodon bε, nka maa kobeεdɔn tε. Dō bε dō dɔn, dō t'o dɔn. Awa, ni dɔnni caman de farala nɔgɔn kan, o de bε jama nafa. A ka kε nɔgɔn na sababu numanw ye, ka masɔrɔ foyi ce man jugu dijε kono dɔnni dogonnen kε. Ale t'a tigi nafa sanko maa wεre. Seki Hasana Sanji waliju, ka bε Babugu (Kati)

Ni kɔrɔfɔli ma k'a kɛcogo la, a kuma donyɔrɔ n'a boyɔrɔ bɛ caya

Ka bɔ Amadu GAN Kante yɔrɔ



Amadu GAN Kante

Kɔrɔfɔli bɛ ke yɔrɔ bɛe la dijɛ kɔnɔ. Mɔgɔ suguya bɛe be kɔrɔfɔli ke. O kɔrɔ ye ko hali ni kɔrɔfɔli te Adamaden bɛe taalan ye, dɔw ta ka jugu ni dɔw ta ye. A banalama de bɛ dɔw la. N'olu m'a ke, ut'u yere sɔrɔ. On'a taa bɛe, kɔrɔfɔli ye suguya fila ye. Mɔgɔ bɛ wele, k'a kɔrɔfɔ, a yere sigilen nɛna. O de ye nɛnakɔrɔfɔli ye. Mɔgɔ bɛ kɔrɔfɔ a kɔfɛ, ka sɔr'a te so kɔnɔ, a te dugu kɔnɔ, a te jamana yere kɔnɔ. O de ye kɔfekɔrɔfɔli ye. Jateminɛ la, nɛnakɔrɔfɔli kafisa ni kɔfekɔrɔfɔli ye. A kɔrɔfɔli fila bɛ ke kun min kanma, olu te kelen ye. U ka jan nɔgɔn na. Mɔgɔ min b'i ka hɛre fɛ, o de b'i wele k'i kɔrɔfɔ. O b'a sɔr'a tigi y'i ye bolo dɔkan, min t'a sagonabolo ye. O tigi bɛ se ka k'i somogɔ ye, min ka surun i la, n'i yecogo, n'i ka kewalew maloya b'a la. A bɛ se ka ke mɔgɔ suguya wɛre ye, i ka ko ka gelen min ma, n'a t'a fɛ k'i ye sira jugu kan, wali maalankolonya la. O b'a jira ko jogojugutigi de bɛ wele, k'a lasigi, k'a kɔrɔfɔ a yere nɛna. O bɛ ke sababu ye, ka dɔwtaabolo yɛlɛma, k'uka kewalew bɛn mɔgɔ nɛnamaw senkan ma. A te fosi bɔ dɔw ta la. A bɛ dɔw ta juguya ka t'a fɛ. Dɔw bɛ dimi, fo ka muruti, ka yɔrɔ

bila. A bɛ bɛn mɔgɔ minnu ma, olu de ye mɔgɔ kunnandiw ye. Olu de bɛ ladilikan men. A bɛ don mɔgɔ minnu tulo kelen fɛ, ka bɔ tulo dɔ fɛ, olu ye mɔgɔ kunnangow ye. Ni kɔrɔfɔli ma jogo, wali sɔn min bɔ mɔgɔla, bugoli t'o b'a la. O de bɛna n'a ko boli ye karabali bolo kan, k'a bila nɛgenni n'a timinandiakow bolo kan. O y'a sɔrɔ kɔrɔfɔli kera ka dɛse, bugoli kera ka dɛse. Nin bɛe bɛ ke tuma min na, o y'a sɔr'a tigilamogowy'uka kow bɛ negebo mɔgɔw la, k'o sababu ke yere dɔnbaliyako danma ye, minnu b'u dɔnbaga gansanw lamaloya, kuma t'u somogɔw ma. O yere dɔnbaliyakow bɛe kelen kelen bɛ mɔgɔ ke bolonkɔnin taamaseere ye, du kɔnɔ, baarayɔrɔ la, wali dugukɔnɔ. Ob'in'a fɔ nafigiya, n'o ye kumalakali ye, ka mɔgɔw bila nɔgɔn na, ka sɔr'i ma a nɛninkra ; dɔw bɛ nkalontige, fok'u k'a ko dɔgɔya mɔgɔw bolo ; bololamisɛnya, n'o sonyali banalama ye ; fugariya ; dɔlɔmin ; dɔrɔguta ; jɛnɛya dalen kɛne kan, ni walimuso, ani walice ye ; jurutaliba ni jurasarabaliya, ani ko o ko, n'o bɛ mɔgɔ welekun bɔ, k'a kɔrɔfɔ, walas'a tigi k'a dabila, ka masɔr'a labantɛ hɛre y'a yere ma. Fɛn min ka fisa, oye mɔgɔ kɔrɔfɔli de ye sutura la, i kelen n'a kelen. N'i dɛser'a la, a bɛ ke jamalako ye. N'o fana ma nɛ, a tigi bɛ ye, k'a to yen. Kɔfekɔrɔfɔli de kuma donyɔrɔ n'a boyɔrɔ ka ca. Ale fɔyɔrɔ, a fɔcogo n'a fɔkun b'a jira k'a fɔbagaya ye sira bila. O sirabila de b'a ke kojugu ye. Mɔgɔ minnu b'a ke, olu yereb b'a dɔn k'u da bɛ kuma min na, o t'u ka sira ye. Ni kɔfekuma fɔra cogo o cogo, a te ke kuma sabatilen ye, i n'a fɔ nɛnakuma. A te tali k'a sun kɔrɔ. A ka surun bisigiya la ni tijɛ ye. A fɔbagaya caman b'a jira k'u y'a men karisa, wali karisa la. O karisa te kotigi yere ye, o t'a somogɔ ye. A ko te bɔ "karisa kunda" cogo si la, ka d'a kan, mɔgɔw b'u sinsin

o karisako de kan, ka dɔw tɔgɔlakuma suguya caman fɔ, yɔrɔ bɛe la, k'u y'o men, ka tila, k'u yere hakilinataw far'a kan. A kuma fɔli n'a tɛremeli dagalen te. Jurumu min b'a la, dɔnnikelaw y'a fɔ k'o ka bon lɔsɛbe. U ko "mɔgɔkɔrɔfɔ" jurumu bonya n'a juguya bɛ sanga "mɔgɔsogodun" de ma. O b'a jira ko n'an bɛ se, an k'an yɔrɔ janya mɔgɔkɔrɔfɔ la. A ma ni cogo si la, Hali n'an nɛninkara karisa, wali karisa cogoya la, an k'a fɔ k'an t'a kalama. Ni mɔgɔ min sera k'o ke, a tɛna fɔ ko kuma mɛnna o tigi da. Mɔgɔ min ko : "ne ma nin kuma fɔ" o tigi ye siga b'a ka kola. Nka, mɔgɔ min ko : "ne ma nin kuma fɔ nin cogo la", o tigi ye siga don a ka ko la.. A misali dɔwɛre b'a jira filenkɔnɔfɔn te bon a yere ma gansa ; ko n'i y'a ye a bɔnna, i magar'a la de ; n'i ma maga a ala, a bɔnni turu te da i kun. Mɔgɔ dɔw bɛ kɔrɔfɔli ke walasa a ka dɔn k'u bɛ karisa, wali karisa ka kow kalama. Olubɛ wele ko "tulobaw". Fɛn te tɛmen olu tulo kan. Mɔgɔw b'u bolo o baara kanma. U ka kumaw fɔli ka ca barokeyɔrɔw de la. A bɛ fɔ baarayɔrɔ la. A bɛ fɔ suguw kɔnɔ. N'i tɛmɛnn'a min na yɔrɔ o yɔrɔ, o bɛ dɔ f'i ma. N'a min hakili jiginn'i la yɔrɔ o yɔrɔ, a bɛ dɔ f'i ma. Olu ta ye kuma gansan ye. U bɛ fɛn minni dɔn mɔgɔ kan, u sago ye, olu de fɔlɔ k'o fɛnw da u jɛnɛgɔn w tulo kan. O de y'u wasoko n'u wasako ye. Olu t'a dabɔko kanma, baasi bɛ se ka bo min na. Olu ye yerejirala gansan de ye, minnu b'u yere segen gansan walikumaw lakalili la mɔgɔw ye. Kɔrɔfɔlikela minnu ta ye baasi ye, oye tɛremelikɛlaw ye, minnu b'u nindungɔtaw, u hakilinataw, u miirinataw n'ukɔnotaw farakuma lakika kan. O misali dɔ file : karisa bɛ sunguruntige, wali karisa bɛ kamalentige. O yɛ kuma lakika ye. Sungurun bɛ se ka ke musoganan, wali musocetigi ye. Kamalen bɛ se ka

ke ceganan, walimusotigiye. Ajenya be se ka ke sokonko, wali kene mako ye. A ceman ka sungurun be se ka caya. A musoman ka kamalen be se ka caya. Nin bee ye kow ye, minnu nebere ka kan ka don, k'o fara kuma lakika kan, ka soro k'a lakali. N'o te, a be ke magutuntiye ye. Koro folikuma d'ow focogo be juguya, nengoya, mangoya ani keleya n'u nogonnako

caman jira u lamembaga d'ow la, f'olu b'u dabo kuma la. A d'ow fokun ye mogo ka gundow b'orotoli n'u wayibali de ye, k'o sababu ke kumaladiya ye, ka sor'a te fosi ne a f'bagaw ye. Nin bee la, mogo min be koro foli kuma da mogo koro folen tulo kan, o de ye nafigi ye, min be mogow bila nogon na, ka soro k'a fo k'ale m'a dab'o kanma. Kele be b'o nafigiya d'ow la. Sigikafé be d'ow

ban. D'ow te dan soda la. Mogó d'ow yere be sin, ka bala k'u koro folikan men. O be ke sokonko, a be ke kene ma. Olu d'ow fana be kele k'o la. D'ow te fosi fo, k'o sababu ke tigensonya ye. O de ka jugu adamaden ma, a kofekorofoliko bee la.

A.G. KANTE

Muso bee te furuta ye

ne o fana furuli ko, ko fo ni dukono makoneminen bee bilayoro ker'o bara ye. Fa y'o fo cogo min na, denke y'o ke ten.

San kelen nikalo saba, muso filanan furulen kofe, denke ser'a fa ma k'a b'a fe k'a muso sabanan furu k'o ladon. O tun ye muso keleyafaatoba ye. A tun ka kele haali. Fa ye sefan do di denke ma k'a f'a ye ko : nin fan in diwaati de sera i ma sisan. A mince. I ni de b'a la. Marabaga were dun t'a la i muso sabanan ko. N'a cira don min, o y'i ka dinesosigi bandon ye !

Denke muso sabanan donne, a ye sefan in d'o ma. K'a kalifa a ma. K'a f'a ye k'a k'a don a sogo n'a wolo ce, barisa, n'a cira don min, ale be sa o don kelen bee. U ye san kelen k'o

cogo la. Don do, muso folo diminen sera a ce ma k'o nininka ko : "karisa, ne furuke, e ye ne furu ka ne bila bolonfeso kono. Dugu ce n'a muso bee be don nekan, ka fara e yere kan. Maa si te jalaki sanko ka kele. Ne sinamusow dun be du kono, a te kun hali muso yeleke la ka don u kan, sanko ce were. Mun de nana n'o ye ?"

A ce y'a jaabi k'a ka se ale faké ma, k'o b'a jaabi. A fana taar'a ka kuma in bo ka bin a buranke koro. O'y'a jaabi ko : "n buranmuso kun were t'o la koyi ! A kun ye de walasa i b'i negela nesoro. Barisa e ye jato ye. Jene ya y'i taalan ye. N'a dun ma ne ko ne denke y'o don k'i furu o kan, wajibi don a k'i ladon n'o ye. O de kanma n ko n denke k'i ka da bo k'a bila bolon na, walasa i na fere i



Makon Mamadu Jara

Ala ye danni ke a ma kene ni ke. N balimaw, muso bee ye kelen ye, nka jogode b'u b'o nogon na de. Cekorobaw y'a fo an ye ko ni muso kera jato ye, a furu. Ni muso kera nson ye, a furu. Nka ni muso kera kelefaato ye, kan'a furu. O siratige kelen de la, a y'a ka kuma sinsin, ni misali in ye. "Ce do tun be yen, a ser'a faké ma k'a b'a fe k'a muso folo furu. Jogojuguba tun b'o muso o la. Jatoba tun don. Ce bee tun nege b'a la. A tun te se kunfirifiri la. A fa ko ko n'a ma ne o muso o furuli ko, ko fo n'a y'o ka siso da bok'a bila bolon na. Ce bee be don yoro min na ani ka bo, ka soro mogó m'u nininka. Fa y'o fo cogo min na, denke y'o ke ten."

San danmado were, denke ser'a fa ma k'a b'a fe k'a muso filanan fana furu. Jogojuguba tun b'o fana na. N sonmuso tun don. A tun t'a ye ka teme a la. Hali o tun be su bolofen sonje sanko nенама ta. Faké ko ko n'a ma



... u t'oro sigi de la sa fo cekokele do wulilz u muso saba ni nogon ce...

jogo ma". Muso y'a buranké nininka ko yaliodey'ale ka da bokun ye ka bila bôlon na wa ? Buranké y'a jaabi k'o dôrônpe de y'a ka da bokun ye ka bila bôlon na.

O yorôla, muso nejjibôra. A y'ikanto a buranké ma, ko k'ale ka da ladon k'a bila du kôno. K'ale ye jatoya haramu a si t'kôno. O ka da bôra ka bila du kôno. A ma jatoya ke belen.

Waati danmadjo kofe, musofilanan fana sera a ce ma k'i kanto o ma ko : e, ne dakawulifuru, ne toorola sa de ! Ka du kôno makoneminen bee bila n ka so kôno, halin te munumunyôrôsorô n yere la, ne m'o kun don de.

A ce ko a ma k'a ka taa a buranké nininka wale o kun na. A taar'a fo o ye minke, o y'a jaabi ko : An y'e ta ni jogo de ye. N'o ye sonjeni ye. An y'o don k'e furu o kan. Ne dun ka jate la sonjeni be ke dese de kanma. N'i dun

déséra a la ne bara yan, i be taa a ta yorô were de. O de kanma du kôno makoneminen bee tora i taya la.

Muso y'a jaabi ko : n buranké nin de kanma ne ka sibon kera du kôno mogô bee ka magasa ye, hali n te n yere lafereyôrô sorô n bara ?

Buranké y'a jaabi ko : owo.

Muso ko k'u ka waliminen bee labo ale ka so kôno, k'a te sonjeni ke belen fo ka t'a sa. O fôra cogo min, a kera ten. Muso ma sonjeni ke belen.

U tora o sigi de la sa fo cekokelé dôwulila u muso saba ni nôgôñ ce. Bee b'a don ko musocamanfur du bee labennen don sinayakele de kanma. Dôw b'u ta wageya ke. Nka dôw b'u ta nanaya ke. Muso folo ni filanan taara kuntilenna kelen fe, ka sabanan to a kelen na. "Mogo-saba-je, kelen b'a kune dêre si" !

O de digira kôno muso la. A girinna

ka don a ka so kôno, ka girin ka bo ni sefan ye, k'i kanto tow ma ko : A ye nin laje. Si o si b'a ceko la, a bee be bo bi ! An ce ni de be sefan in kôno. Awa ne b'a ci. An ce be sa, an bee b'an yere sorô."

Muso tow n'an'u nongiri a kôro, k'a deli. U ce fana jorolen nana a deli k'a kana fan in ci. I k'a don, o delili yere de ye namanuso to lajaga. A ye fan in fara dugu ma. O cira pôo. O yorô de la, cekoroba yelebagatô nana ukorô, k'a fo a denke ye ko : "N den, mogôsi nitse se ka ke sefan kôno. Sefan ka dôgo ni marayôrôma. Nye nin ke de k'ibilasira muso furutako la. Muso bee ye furuta ye fo kelemuso. N'i y'o ta, n'i m'a bila, a meen o meen a b'i lasigi i desekene kan."

Makono Mamadu Jara
Ka bo Yirimajo - Bamako

Afriki kelenyatô OUA sanyelema 35 nan

Ntenendon 1998 san mekafo tile 25, Afriki kelenyatô OUA ye san 35 sorô. Osirategé la, nena jewe ni taasibilaw kera Afriki jamana bee kôno. Mali kôno, an ka jamana kuntigi Alfa Umar Konare ye Afriki kelenyatô jansa ni maa-kelen-faga mini ye maramafen foronta ye, min be bila dugu jukorô kéléw sen fe ka balannakow nesigi ; kélé kuntaala kôno. K'ata 1989 san na ka n'a bila ninan san na, maramafen kofolen in ye kasaraba lase adamadenya ma, bawo a kera sababu ye ka maa gansancaman bône u nin na. Miniw ka maa nangatannen fanba ye musow ni densmisenw ye forosiraw, nakosiraw ni tulonke-yorow la.

Nin lahalaya cejugu lasali kanma, Mali jamana nemaaw, kerékerénneny la, peresidan Alfa Umar Konare ye nin nebilâ wale ke. Ntenendon sogoma,



Alfa Umar Konare be k'a joyoro fa haali
dîne-kôno-here sabatili la.

jamanakuntigi Alfa Umar Konare ni goferenaman mogow, ka fara lasigidenw kan, ani dîne seleke 4 tonba ONU nemaak kôro Butorosi-Butorosi Gali sera Kanbila (Kati mara kôno dugu) la, ka ke miniw rotijenni seere ye. Nin waleba in kofe, Alfa Umar Konare ye maramafen coolo-coololi kéléli lahitudat a kajamana kôno. Bawo olu forobayali de bëna ni binkanni, garadaw ni karatoya sonyaliw ye. Ninnu waleba fila bee ye a danma taanuliko ye, bawo u be jamana kôno lafiya ni here jjidili kofe.

Mugudun te barafô sa, bolo bee n'a dayoro don. Ka Afriki jamanaw lahoronya ka Afrikikônekélé suguya bee lasa n'u nesigili ye ka kongoni ja nesigi kéléw waati kôno ka denmisenw, maakorow ni musow lakana k'u tanga kélé tooro ma. Ninnu ye Afriki kelenyatô sigikun ye 1963 san kôno. Foli be tonba in sigili hakilinan numan sorobagaw

1998 san - Zuwenikalo


FARIKOLOJENAJE KUNNAFONI

n'a lafasabagawye. An be don min na i ko bi, mara bora Afriki jamanaw kan. Jamana laban min tun be mara kono, o tun ye Namibi jamanaw ye. Ale y'a yereta 1990 san kono. Nka halisa, baara toba be ko.

Futinew dabenni siratege la.

K'a ta 1989 san na kana se ninan ma, Afriki jamanaw ka daga futine ma wuli min kono. Liberiya, Burundi, Saralón, Senegali, Zayiri (sisan o be wele ko Kongo demokaratiki)... ani Somalijamanaw. Balawucejuguwulila nin jamanaw bee kono minnu senfe, mogowbolo. Jamana maralikera sekili-saba-siri ye tonw bolo minnu ye fasodenw ka danaya sorokalafiliw sen fe, k'o sababu ke fanga sinnamatonw ka faamubaliya ye, walima u nata bonyako jugu ye beejefangako hukumukono. Malijamana be o dakun de la. Bi, an ka jamanaw politikiko be nini ka ke yeremajuguya ye. Mali ye jamanaba kelen tilabali ye, haminan kelen ani kuntilenna kelen. Politikiko bilama geleya te o kelenya n'o ben jiidi wale ye. Hakili lajigin siratege la, 1997 san awirilikalo tile 13 kalafili nagaminni bangera fognogonko la an ka jamanaw politikitonw ni nogon ce. Utuma la, bee dabenna file kelen ma k'a jira ko segin ka ke kalafiliw kan. K'a ta o waati la fo bi, fasoden numan si ma hakililatige sorok'o sababuke fanga sinnamatonw ka bala-ka wuli n'u ka sanga ni waati bolonfe taamaw la. Laniniw be ke laniniw kan sigi-ka fo kene lankolonyalen don.

- ko goferenaman ka ci,
- ko kalafili laben jekulu ka ci, a k'a ka baaraw inaje bo,
- k'u te jamanakuntigi sugandilen



Fen min ye jemufanga ye, o be ka sinsin ka t'a fe Afriki fan bee.

lakodon.

- k'ubena foroba muruti waleyajamana kono
- k'u bena u danma goferenaman ni forobablon sigi.
- ko kalafili sebenw ka sabati nka u da n'u bolo te don o ca la.

Ninnu ye fanga sinnamatonw ka lanininw n'u dalakan dow ye ; fanga minnu kunben ni sigi-ka-fa welekan ye.

Diyagoyafanga ni politikiton kelen fanga kelera k'olu wuli fasodenw ka here kanma. O here ye bolokofenfen ye bi, Bawo politikiko kono geleya ye hakilinan kele kosacon Mali kono. A bilama ni yeko kele ka surun ni ko camanye. Tondenw dusu be lamin k'u su k'u bila u yere la. Fasocibaga b'aka wale k'a yere la.

Naniyabaw ni kewalebaw tiimera Afriki kelenyatton bangeli sanyelema 35 nan kono, yanni a sanji bisaba ni wooro san ce, OUA tondenw n'a nemaaw ka kan k'u cesiri feerew ni dabaliw nininina walasa ka Afrikifanga kuraw kisi u yere n'u sinnamatonw ka wale juguw ma, minnu bone doni tabaga ye fasodenw ye.

Mali jamana n'a politikiko taabolo nogonnaw ka ca Afriki kono. Ni yeretaw latigera, atoye ujiidili baarawaye. OUA joyoro ka bon o baaraw kono.

Bakari Sangare

Jekabaara

Labolikuntigi

Tumani Yalam Sidibe

Sebennekulukuntigi

Tumani Yalam Sidibe

Sebennekulu

Bakari Sangare

Amadu Gani Kante

Bakari Kulubali

Jekabaara ni ONG cesira taamabaga

Fanta Kulibali

Negeenw kebaga

Nuhun Madani Tarawele ko

Banun

Baarakejogonw

MAKOCI, SNV, OCED

Hakebota:

11 000

CMDT mogo minnu ye sebenni ke boko in kono

Madu Yusufu Sise - bamako

Dawuda Matiye Dawa - Bamako

Mamadu Lariya Sise - Bamako

Usumani Tarawele - Fana

Daniyeli Kulibali - San

Amadu Teli - Sikaso

Musa Zana Tarawele - Kucala

Siyaka Dunbiya - San

Yusufu Jimé Sidibé - Kita